



UNIVERSITÄTS-
BIBLIOTHEK
PADERBORN

Universitätsbibliothek Paderborn

Martini Lvtheri Piae Ac Doctae Operationes In Dvas Psalmorvm Decades

Luther, Martin

Basileae

VD16 L 5540

Et misit sagittas suas & dissipavit eos. Fulgura multiplicavit & conturbavit
eos.

urn:nbn:de:hbz:466:1-37005

Quod & si aliquo studio possimus utriusque asserere, ut uerbum gratiae asperum sit urens carni & sanguini (Nescit enim homo precium eius, sicut iudaeus lohan. vj. Sermo Christi, qui erat sermo uitae, durus erat & sermo mortis, Et Paulus fatetur sese esse bonum Christi odorem, alijs tamē in uitam, alijs in mortem) apparet tamen esse uiolentum & coactum.

Erit ergo tunc uerborum ordo: Dominus dedit uocem suam, quae est grando & carbones ignis, id est, aspera & urens, deus enim noster ignis conuulsus est, immo ut Hierem. xxij, dicit: Nonne uerba mea sunt quasi ignis, dicit dominus, & quasi malleus conterens petram? Quare & alteram sententiam, sub uerbo dicium cuiusque tractemus, ubi & si satis in praecedentibus dixerat, terram commotam, fundamenta concussa, irascente domino, & ipsum uoluisse super Chanaan, & alia, quibus uirtus uerbi legis declarata est, & praesentia domini in ministeris uerbi, tamen hoc ipsum etiam his uerbis tractat idem inculcaturus & explicaturus, dicens, Nubes ipsas praefulgore eius fuisse efficaces & dominus in eis de caelo tonasse, dedisse uoces suas gradineas & igneas, ne id operis, quod lex minando, terrendo, turbando, surgando, increpando, arguendo, urendo, & consumendo (haec enim omnia uidimus in his uerbis dari ministerio legis operatur, ipsis nubibus, Apostolis & praedicatoribus tribuat, sed soli domino, qui dat nubes, grandinē, ignitos carbones trāsire, ipse enim dat hanc uocem suam de caelo. Sic enim & in historia legimus, fuisse sonitum tempestatis, ante uocem buccinae, ut clarior & clarior legis intelligentia detur, assiduitate docendi.

Patet ergo & translators non intellexisse hos uersus, dum per solocum uertunt, dedit uocem suam, grando & carbones ignis, Vbi uertendum erat, uocem suam, grandinē & carbones ignis in accusatiuo, a uerbo, dedit, pendente, ubi siue uocem distinguas a carbonibus & grandine, siue coniungas, nihil refert, Modo per utrumque intelligas uocem praedicationis, quae ut uaria est & uarijs affectibus seruans, ita numerosis illis caeli impressionibus figurat, ut sunt, stellae, pluuia, grando, nebula, nix, fulmen, fulgura, & omnibus quae ex caelo labi possunt, siue uiuificatiua, siue mortificatiua, quorum priora uerbo uitae, posteriora uerbo legis accommodanda sunt: Caeli enim sunt Apostoli, ut se quere psal. uidebimus.

II. Reg. xxij. Non nihil uariant hi uersus, sic enim legunt. Posuit tenebras in circuitu suo latibulum suum (ubi omittit latibulum suum, & pro tabernaculum suum, latibulum suum ponitur) cribrans aquas de nubibus caelorum (pro densitas a quarum in nubibus nubium, densitas enim nubes cribrare uident aquas) Praefulgore in conspectu eius, trāsierunt carbones ignis, (pro quo nolite textus, ibi dicitur habet, praefulgore in conspectu eius nubes, successi sunt carbones ignis, nubes enim superfluunt, & successi sunt, idē uerbum est, quod trāsierunt, utrumque significans) Et intonuit de caelo dominus & altissimus dedit uocem suam (ubi non repetitur, grando & carbones ignis) Quam diuersitatē, otiosis & studiosis relinquo.

Et misit sagittas suas & dissipauit eos.

Fulgura multiplicauit & conturbauit eos.

Euidens est allegorice prophetam loqui de sagittis, cum nihil in historia de eisdem legatur, quae sagittas appellat ipsa fulmina, de quibus dicit, Exo. xix. Et coeperunt micare fulgura, sic & psal. lxxvj. uocat, Etenim sagittae tuae transeunt, uox tonitruum in rota. Hinc uerba, quibus configitur conscientia, sagittae uocantur, psal. xxxix. Quoniam sagittae tuae infixae sunt mihi, Et lob. vi. Sagittae

gratiae domini in me, quarum indignatio ebibit spiritum meum, & terrores domini
 militant contra me. Multa de sagittis eiusmodi passim legimus, ut & psal.
 sagittas suas ardentibus esse cit.

Sunt ergo ista fulgura, fulmina, sagittae, eadem uerba legis, terrentia, turbam
 & contingunt cor peccatoris, perseverat enim propheta ad huc, in explicando
 & inculcando officio legis. Vnde & hic uersus, argumento est, uersus praecedentes,
 posteriori sententia intelligendos esse de ministerio uerbi legalis, magis
 esse uerbum & multiplex in opere suo, quod in corde peccatoris operatur,
 terendo, minando, arguendo, urendo, &c.

Ideo & uersus in Sina monte symbolis tempestatis, & hoc alijsq; locis, ut
 uersus uersus tempestatis, explicatur, quae omnia in magis ac feliciter experientia
 intelliguntur, quae uerbis edisserantur, quando quidem & propheta quasi suis uerbis
 ea nequit consequi, ad historiam sese recepit & allegoricis uerbis uoluit
 indicare magis quam explicare.

Quare & nos, si alia non possumus complecti, hoc sumus contenti, uniuersa
 illa tempestate montis Sinai & omnium uerborum, quibus illa refertur, non
 traditorum illum tumultum, quem suscitatur uerbum dei, in corde peccatorum,
 quo ad odium sui & mundi mutantur, salubriterque occiduntur. Haec enim
 sunt bella domini uirtutum, qui de caelo dimicat contra eos, sicut Iudit,
 v. dicit Dibora. Ut ster summa, scopus & intelligentia huius psalmi in hoc,
 quod Christus passus, resuscitatus, per spiritum sanctum predicatus, creditus
 & cultus, humiliat superbiam mundi. Hic est enim summarius & breuis intellectus
 huius totius psalmi, ut facile quicuique intelligit, qui obseruat.

Dicit autem, dissipauit eos, hoc est, dirupit atque diuisit, non enim uenit pacem
 mittere sed gladium, quo non modo a domesticis suis, sed etiam a seipso diuisus
 deretur homo odio animae suae in hoc mundo. Et fulgura non tantum misit, sed
 multiplicauit, ut multitudinem praedicantium mundum tumultu crucis inuolueret,
 sic & psal. lxxvii. Dominus dabit uerbum Euangelisantis uirtute (exercituum)
 multa. Mitta, inquit, piscatores multos & piscabuntur eos. Salutaris ergo
 dissipatio & conturbatio ista, qua ad ueram unitatem & pacem ducuntur. I. I.
 Reg. xxii. sic dicit. Et misit sagittas suas & dissipauit eos fulgur & consumpsit
 eos. Aliqui per fulgura, intelligunt miracula, quibus dominus sermonem Apostolorum
 locum confirmauit, quos permitto in suo sensu abundare, neque enim inepte dicit.

Et apparuerunt fontes aquarum, & reuelata sunt fundamenta orbis terrarum,

Ab increpatione tua domine: Ab inspiratione spiritus irae tuae.

Hoc ad historiam nullo modo pertinere potest, in qua nihil de fontibus
 aquarum, & fundamentis terrarum dicitur, nisi illud Exodi. xv. alligetur: Venierunt
 in Helim, filij Israel, ubi erant duodecim fontes & septuaginta palmarum,
 quibus figurati sunt duodecim Apostoli & septuaginta discipuli Christi, communi
 omnium iudicio, ut sic propheta, totius exitus historiam, carptim tractet
 & pro libertate spiritus sui, mysteria noui testamenti canter. Reuera enim, per
 ministerium uerbi, cognouit mundus, Apostolos esse fontes aquarum, principes
 orbis terrarum, sicut promissum erat Abraham & semini eius. Sic & psal.
 xliii. Pro patribus tuis nati sunt tibi filij, constitues eos, principes: super omnem
 terram. Idem psal. lxxvii. dicit: In Ecclesijs benedicite domino, de fontibus Israel.

Li iij Siue ergo